



ს ა ქ ა რ თ ვ ე ლ ო  
ლენტეხის მუნიციპალიტეტის საკრებულო  
G E O R G I A  
CITY COUNCIL OF LENTEKHI MUNICIPALITY



ოქმი: 97.9724052001

თარიღი: 21/02/2024

ლენტეხის მუნიციპალიტეტის საკრებულოს

მორიგი სხდომა N-03

დ. ლენტეხი. 15 თებერვალი 2024წ

მიმდინარე წლის 15 თებერვალს დღის 12 საათზე ჩატარდა ლენტეხის მუნიციპალიტეტის საკრებულოს მორიგი სხდომა. სხდომას უძღვებოდა საკრებულოს თავმჯდომარე გიორგი გაზდელიანი. საკრებულოს სხდომას ესწრებოდა საკრებულოს 14 (თოთხმეტი) წევრი.

საკრებულოს სხდომას ესწრებოდა მერიის საფინანსო სამსახურის უფროსი ტახუ ჩანქსელიანი.

სხდომის თავმჯდომარემ საკრებულოს წევრებს გააცნო სხდომის დღის წესრიგის პროექტი:

1. ლენტეხის მუნიციპალიტეტის ტერიტორიაზე სახელმწიფო და ლენტეხის მუნიციპალიტეტის საკუთრებაში არსებული არასასოფლო - სამეურნეო დანიშნულების მიწის ნორმატიული ფასის დადგენის შესახებ.

/მომხს: ქონების მართვის და ბუნებრივი რესურსების საკითხთა კომისიის თავმჯდომარე დალი ტვილდიანი/

2. ლენტეხის მუნიციპალიტეტის 2024 წლის ბიუჯეტში საბიუჯეტო კლასიფიკაციის მუხლებს შორის თანხის გადანაწილების თაობაზე.

/მომხ: ლენტეხის მუნიციპალიტეტის მერიის საფინანსო სამსახურის უფროსი ტახუ ჩანქსელიანი/

3. ლენტეხის მუნიციპალიტეტის ა(ა)ი პირების 2024 წლის გეგმა პროგრამების - დამტკიცების თაობაზე.

/მომხს: საკრებულოს საფინანსო კომისიის თავმჯდომარე ლამზირა გუგავა/

4. სხვადასხვა.

შენიშვნა დღის წესრიგთან დაკავშირებით არ ყოფილა.

დღის წესრიგის პროექტის დამტკიცების მიზნით ჩატარდა ღია კენჭისყრა:

ღია კენჭისყრის შედეგით: მომხრე - 14 და წინააღმდეგი -0

**დაადგინეს: დამტკიცდეს ლენტეხის მუნიციპალიტეტის საკრებულოს მორიგი სხდომის დღის წესრიგი წარმოდგენილი სახით.**

**1.მოისმინეს:** დღის წესრიგით გათვალისწინებულ პირველ საკითხზე მოხსენება გააკეთა კომისიის თავმჯდომარემ დალი ტვილდიანმა. მან აღნიშნა, რომ მიწის ნორმატიული ფასი არ იცვლება, იგივეა როგორც წინა წელს. კერძოდ მიწის ნორმატიული ფასი დაბა ლენტეხისთვის დარჩა 2, 7 ლარი.

შენიშვნა საკითხთან დაკავშირებით არ ყოფილა.

სხდომის თავმჯდომარემ დადგენილების პროექტი დააყენა ღია კენჭისყრაზე.

ღია კენჭისყრის შედეგით:

მომხრე -14

წინააღმდეგი -0

**დაადგინეს: დამტკიცდეს დადგენილების პროექტი - ლენტეხის მუნიციპალიტეტის ტერიტორიაზე სახელმწიფო და ლენტეხის მუნიციპალიტეტის საკუთრებაში არსებული არასასოფლო - სამეურნეო დანიშნულების მიწის ნორმატიული ფასის დადგენის შესახებ.**

**2.მოისმინეს:** მერიის საფინანსო სამსახური სუფროსმა ტახუ ჩანქსელიანმა წარმოადგინა განკარგულების პროექტი - ლენტეხის მუნიციპალიტეტის 2024 წლის ბიუჯეტში საბიუჯეტო კლასიფიკაციის მუხლებს შორის თანხის განაწილების თაობაზე. მომხსენებელმა აღნიშნა, რომ საკითხი განხილული იქნა საკრებულოს საფინანსო კომისიის სხდომაზე კომისიის თავმჯდომარემ და კომისიის წევრებმა მიზანშეწონილად მიიჩნიეს თანხა სარეზერვო ფონდიდან გადატანილი იქნას სტიქიური მოვლენების (ხანძრის) შედეგად დაზარალებულთა დახმარების მუხლში იმ გარემოების გათვალისწინებით, რომ მიმდინარე თებერვლის თვეში დიდთოვლობის პერიოდში ლენტეხის მუნიციპალიტეტის სოფელ ყარიშში მთლიანად დაიწვა თორნიკე ლიპარტელიანის საცხოვრებელი სახლი. უგზოობის გამო სახანძრო მანქანამაც ვერ მოახერხა ადგილზე მისვლა და დადგა სავალალო შედეგი. ეს საკითხი განხილული იქნა სამხარეო რწმუნებულის დონეზე და მომზადდა საკითხი, გამონაკლისის სახით ადგილობრივი ბიუჯეტიდან დავეხმაროთ ამ ოჯახს.

აზრი გამოთქვა: თავმჯდომარის მოადგილემ დავით პირველმა - აღნიშნულ საკითხზე მუნიციპალიტეტის მერიამ ვერ შეძლო შესაბამისი დოკუმენტების სრულად და დროულად შემოტანა საკრებულოში და შესაბამისად აღნიშნულ საკითხთან დაკავშირებით ამ სხდომაზე გადაწყვეტილებას ვერ მივიღებთ.

**საკრებულოს სხდომის გადაწყვეტილებით საკითხი - ლენტეხის მუნიციპალიტეტის 2024 წლის ბიუჯეტში საბიუჯეტო კლასიფიკაციის მუხლებს შორის თანხის გადანაწილების თაობაზე გადაიდო მომდევნო სხდომისთვის.**

**3.მოისმინეს:** საფინანსო კომისიის თავმჯდომარემ ლამზირა გუგაგამ აღნიშნა, რომ კომისიამ განიხილა ო.ლიპარტელიანის სახელობის აიპის და სასპორტო გაერთიანების გეგმა-პროგრამები. აღნიშნულ პროგრამებთან დაკავშირებით გვაქვს მცირე შენიშვნა, რომ არ აქვთ გათვლილი კომუნალური და საკანცელარიო

ხარჯები. სხვა შენიშვნა არ გვაქვს, ასახულია 10%-იანი მატება და ხელშეკრულებებიც შვიდი თვიდან გაიზარდა 10 თვეზე.

შენიშვნა აღნიშნულ გეგმა-პროგრამებთან დაკავშირებით არ ყოფილა.ღია კენჭისყრის შედეგით:

მომხრე -14

წინააღმდეგი -0

**გადაწყვიტეს: დამტკიცდეს: საასპორტო გაერთიანების და ოლეგ ლიპარტელიანის სახელობის ოლიმპიური ცენტრის 2024 წლის გეგმა-პროგრამები წარმოდგენილი სახით.**

**ლენტეხის მუნიციპალიტეტის საკრებულოს მორიგი სხდომა დასრულდა დღის წესრიგით გათვალისწინებული საკითხების ამოწურვის შემდეგ 12 საათსა და 30 წუთზე.**

გიორგი გაბდელიანი

ლენტეხის მუნიციპალიტეტის საკრებულო-საკრებულოს თავმჯდომარე

გამოყენებულია კვალიფიციური ელექტრონული ხელმოწერა/ ელექტრონული შტამპი

